



SLUŽBENE NOVINE

KANTONA SARAJEVO

Godina XXVII - Broj 42

Četvrtak, 20. 10. 2022. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 33. Zakona o zdravstvenom osiguranju ("Službene novine Federacije BiH", broj 30/97, 7/02, 70/08, 48/11 i 36/18), na usaglašeni prijedlog Ministarstva zdravstva Kantona Sarajevo i Zavoda zdravstvenog osiguranja, Vlada Kantona Sarajevo, na 96. sjednici održanoj 06.10.2022. godine, donijela je

UREDBU

O IZMJENAMA I DOPUNAMA UREDBE O OBIMU, USLOVIMA I NAČINU OSTVARIVANJA PRAVA OSIGURANIH LICA KANTONA SARAJEVO NA MEDICINSKA SREDSTVA

Član 1.

(Izmjena člana 19.)

U Uredbi o obimu, uslovima i načinu ostvarivanja prava osiguranih lica Kantona Sarajevo na medicinska sredstva ("Službene novine Kantona Sarajevo", broj 22/20 i 30/21) u članu 19. stav (1) mijenja se i glasi:

"(1) Za potrebe ugovaranja isporučioaca medicinskih sredstava Zavod će provesti postupak javne nabavke i to na sljedeći način:

- za medicinska sredstva koja se izrađuju i/ili prilagođavaju individualnim potrebama osiguranih lica, Zavod će izvršiti ugovaranje sa isporučiocima na osnovu provedenog javnog poziva;
- za medicinska sredstva koja se ugrađuju pri operativnim zahvatima u bolničkim zdravstvenim ustanovama, proceduru nabavke provodi zdravstvena ustanova;
- za medicinska sredstva koja nisu obuhvaćena prethodnim tačkama, tj. za medicinska sredstva koja se serijski proizvode i ne prilagođavaju namjenski pojedinom osiguranom licu, Zavod će provesti javnu nabavku i izabrati najpovoljnijeg ponuđača za svako pojedinačno medicinsko sredstvo;
- za potrebe ugovaranja isporučioaca medicinskih sredstava, a kako bi se osigurala adekvatna medicinska sredstva za osiguranike, Zavod može

izvršiti izmjene propisanog standarda medicinskog sredstva, "materijala" navedenog u Listi medicinskih sredstava koja je sastavni dio Uredbe, pridržavajući se člana 4. Uredbe (kvalitet medicinskih sredstava)."

Član 2.

(Izmjena člana 21.)

Član 21. mijenja se i glasi:

"Član 21.

(Funkcionalnost medicinskih sredstava)

- Ukoliko osigurano lice ima prigovor na funkcionalnu ispravnost medicinskog sredstva koje se individualno izrađuje po mjeri ili prilagođava individualnim potrebama osiguranog lica, isti može uložiti u roku od 30 dana od dana apliciranja medicinskog sredstva.
- prigovoru iz stava (1) ovog člana odlučuje Komisija Zavoda nakon što ovlaštenu ljekaru koji je propisao medicinsko sredstvo utvrdi da li je isporučeno medicinsko sredstvo odgovarajuće i funkcionalno u skladu sa utvrđenom potrebom osiguranog lica.
- Isporučioc je obavezan, u slučaju da se utvrdi osnovanost prigovora, otkloniti utvrđene nedostatke izdavanjem ispravnog medicinskog sredstva.
- Za medicinska sredstva utvrđena Listom, nakon isteka roka korištenja, u skupini invalidskih kolica i slušnih medicinskih sredstava, a prije odobrenja novog istovrsnog medicinskog sredstva, obavezno se provodi provjera funkcionalnosti medicinskog sredstva, koje osigurano lice već koristi, od strane ovlaštenog ljekara specijaliste djelatnosti koji je ovlašten za predlaganje određenog medicinskog sredstva ili ovlaštenog lica, na koju Zavod daje saglasnost."

Član 3.

(Izmjene člana 28.)

Član 28. mijenja se i glasi:

"Član 28.

(Učešće Zavoda u nabavci medicinskih sredstava)

- Učešće Zavoda u nabavci medicinskog sredstva je iznos koji se finansira iz obaveznog zdravstvenog osiguranja za svako pojedinačno medicinsko sredstvo sa Liste i utvrđuje se u visini cijene postignute u proceduri javne nabavke.

- (2) Izuzetno od stava (1) ovog člana za medicinska sredstva koja se izrađuju i/ili prilagođavaju individualnim potrebama osiguranih lica, kao i medicinska sredstva koja se ugrađuju pri operativnim zahvatima u bolničkim zdravstvenim ustanovama iz poglavlja F ove uredbe, učešće Zavoda utvrdit će se odlukom Upravnog odbora Zavoda, a uključuje ukupno učešće za sve vrste troškova (uslugu izdavanja, uslugu probe, namještanja i adaptacije medicinskog sredstva, obuku za korištenje, kao i servisiranje i održavanje izdatog medicinskog sredstva u garantnom roku, te ostale zavisne troškove).
- (3) Učešće Zavoda za medicinska sredstva iz stava (2) ovog člana utvrđuje se na osnovu:
- postojeće cijene medicinskog sredstva;
 - promjene cijena na tržištu;
 - uporedne cijene medicinskog sredstva u okruženju;
 - raspoloživih sredstava Zavoda.
- (4) Ako osigurano lice nabavi medicinsko sredstvo kod isporučioaca sa kojim Zavod nema zaključen ugovor, troškove nabavke snosi u cijelosti, uz mogućnost refundacije sredstava do iznosa učešća Zavoda za predmetno medicinsko sredstvo.
- (5) Zdravstvena ustanova koja pruži uslugu operativnog zahvata pri kojem je ugrađeno medicinsko sredstvo iz poglavlja F ove uredbe, a koja nema status ugovorne zdravstvene ustanove Zavoda, može izvršiti fakturisanje medicinskog sredstva Zavodu samo ako je osiguranom licu prethodno utvrđeno pravo na korištenje medicinskog sredstva izdavanjem odgovarajućeg ovjerenog obrasca od strane Komisije Zavoda, kao i izdate saglasnosti o snošenju troškova medicinskog sredstva u visini utvrđenog učešća Zavoda. Original navedenih dokumenata se dostavljaju kao obavezan prilog fakture."

Član 4.

(Novi član 63a.)

Iza člana 63. dodaje se novi član 63a. koji glasi:

"Član 63a.

(Medicinsko sredstvo za mjerenje protrombinskog vremena)

- (1) Osiguranim licima u dobi do 26 godina, kojima je izvršena ugradnja srčanih zalistaka odobrava se aparat za mjerenje protrombinskog vremena i trake za aparat za mjerenje protrombinskog vremena u skladu sa Listom i individualnim potrebama osiguranika, a u okviru količine utvrđene Uredbom.
- (2) Osiguranim licima preko 26 godina pomagala iz stava (1) ovog člana se obezbjeđuju u skladu sa Listom, a konačnu odluku donosi Komisija iz člana 7. stav (2) Uredbe u zavisnosti od raspoloživih finansijskih sredstava.
- (3) Pomagala iz stava (1) ovog člana se obezbjeđuju uz uslov da su upisana u registar medicinskih sredstava pri Agenciji za lijekove i medicinska sredstva BiH.

- (4) Prije odobrenja novog aparata za mjerenje protrombinskog vremena, obavezno se provodi provjera funkcionalnosti aparata koji osigurano lice već koristi, od strane ovlaštenog ljekara u skladu sa Listom."

Član 5.

(Izmjene člana 72.)

Član 72. mijenja se i glasi:

"Član 72.

(Učešće Zavoda u cijeni medicinskih sredstava u prelaznom periodu)

- (1) U prelaznom periodu, do potpisivanja novih ugovora sa isporučiocima medicinskih sredstava, a po provedenim postupcima iz člana 19. ove uredbe, ostvarivanje prava osiguranih lica na medicinska sredstva koja se nalaze na Listi, a već su bila obuhvaćena ranije primjenjivanom uredbom ("Službene novine Kantona Sarajevo", br. 38/07, 29/08 i 40/14), vršit će se putem ugovornih isporučioaca i uz važeće učešće Zavoda utvrđeno odlukama Upravnog odbora Zavoda, ali u skladu sa utvrđenim indikacijama po odredbama ove uredbe. Status ugovornih isporučioaca imaju svi ovlašteni distributeri medicinskih sredstava na malo koji su registrovani u skladu sa zakonom i sa kojima Zavod, na osnovu njihovog zahtjeva, zaključi ugovor pod jednakim uslovima za sve.
- (2) Medicinska sredstva koja su kao pravo osiguranih lica utvrđena ovom uredbom, a nisu bila obuhvaćena ranije primjenjivanom uredbom ("Službene novine Kantona Sarajevo", br. 38/07, 29/08 i 40/14), osigurana lica, do zaključenja ugovora sa isporučiocima mogu nabaviti ličnim sredstvima, te ista refundirati kod Zavoda u visini priznatog učešća, u skladu sa odlukom Zavoda."

Član 6.

(Izmjena u listi medicinskih sredstava "Vještačka dojka i grudnjak")

U listi medicinskih sredstava koja je sastavni dio Uredbe vrši se slijedeća dopuna tabelarnog pregleda:

E - Ostala medicinska sredstva

2. Vještačka dojka i grudnjak

- u redu broj 1. u koloni "Rok korištenja medicinskog sredstva - iznad 18 do 65 god." mijenja se rok. Umjesto "18 mj" treba da stoji "12 mjeseci".
- u redu broj 2. u koloni "Rok korištenja medicinskog sredstva - iznad 18 do 65 god." mijenja se rok. Umjesto "18 mj" treba da stoji "12 mjeseci".

Član 7.

(Dopuna u listi medicinskih sredstava)

U listi medicinskih sredstava koja je sastavni dio Uredbe vrši se slijedeća dopuna tabelarnog pregleda: E- Ostala medicinska sredstva

Iza reda broj 9. Perika za djecu od prirodne kose dodaje se novi red broj 10. Pomagala za mjerenje protrombinskog vremena koji glasi:

R.B	Naziv medicinskog sredstva i dijela	Medicinske indikacije za ostvarivanje prava na medicinsko sredstvo	Šifa bolesti prema MKB	Materijal	Medicinsko sredstvo predlaže propisuje ovjerava	Medicinsko sredstvo odobrava	Vraćanje medicinskog sredstva (revers)	Jedinica mjere medicinskog sredstva	Količina odobrenog medicinskog sredstva	Rok korištenja medicinskog sredstva					Mjesto isporuke		
										Do 7 godina	Od 7 do 18 godina	Do 18 godina	Do 26 godina	Od 18 do 65 godina		Iznad 65 godina	
10. Pomagala za mjerenje protrombinskog vremena																	
1	Aparat za mjerenje protrombinskog vremena u krvi	Kod ugrađenog srčanog zalistka	Z95.2; Z95.3; I34.0; I34.1; I34.2; I35.0; I35.1; I35.2	CE certifikat (reg. ALMBiH)	Predlaže - Konzilijum kardiohirurg/ kardiolog. Propisuje - kardiolog	Zavod	Ne	kom	1				5g	5g	5g		
2	Trake za aparat	Kod	Z95.2; I34.0	Traka mora	Predlaže -	Zavod	Ne	kom	do 48				1 g	1g	1g		

za mjerenje protrombinskog vremena u krvi	ugradenog srčanog zalistka	Z95.3; I34.0; I34.1; I34.2; I35.0; I35.1; I35.2	biti kompatibilna sa aparatom iz tačke I	Konzilijum kardiolog/kardiolog. Propisuje - kardiolog															
---	----------------------------	---	--	---	--	--	--	--	--	--	--	--	--	--	--	--	--	--	--

Član 8.
(Stupanje na snagu)

Ova uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-04-40900-3/22
06. oktobra 2022. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 6. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21 i 13/22) Vlada Kantona Sarajevo, na 241. vanrednoj sjednici održanoj 11.10.2022. godine, donijela je

**ODLUKU
O PRIHVATANJU ZAHTEVA UDRUŽENJA
PRIVREDNO - KULTURNA MANIFESTACIJA "DANI
JABUKE" ZA PODRŠKU ORGANIZACIJE 18. SAJMA
"DANI JABUKE" U GORAŽDU**

I
Prihvata se Zahtjev Udruženja privredno - kulturna manifestacija "Dani jabuke" za podršku organizacije 18. sajma "Dani jabuke" u Goraždu, broj 07-05-11-40504/22 od 03.10.2022. godine.

II
Daje se saglasnost Ministarstvu privrede Kantona Sarajevo da potpiše Ugovor o sufinansiranju zakupa izložbenog prostora na 18. sajmu "Dani jabuke" u Goraždu (u periodu od 13.10. do 15.10.2022. godine) sa Udruženjem privredno - kulturna manifestacija "Dani jabuke", a za učešće izlagača sa područja Kantona Sarajevo.

III
Izlagачi iz tačke II ove odluke su:
- Asocijacija organsko u BiH,
- "Green" doo Sarajevo,
- OD "Herbalos" Sarajevo i
- "SARA" doo Sarajevo.

IV
Daje se saglasnost Ministarstvu privrede Kantona Sarajevo da za potrebe zakupa sajamskog prostora za privredne subjekte iz tačke III ove odluke izdvoji iznos od 4.000,00 KM.

V
Sredstva iz tačke IV ove odluke isplatit će se sa pozicije Ministarstva privrede Kantona Sarajevo, ekonomski kod 614300 IAN015, Podrška projektima neprofitnih organizacija.

VI
Zadužuju se Ministarstvo privrede Kantona Sarajevo i Ministarstvo finansija Kantona Sarajevo da provedu ovu odluku, svako u okviru svoje nadležnosti.

VII
Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-42289-2/22
11. oktobra 2022. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 96. sjednici održanoj 06.10.2022. godine, donijela je

**ODLUKU
O DAVANJU SAGLASNOSTI TURISTIČKOJ ZAJEDNICI
KANTONA SARAJEVO DA SUFINANSIRA PROJEKAT
"OTKUP PARNE LOKOMOTIVE ZA POTREBE
BISTRİČKE STANICE"**

I
Daje se saglasnost Turističkoj zajednici Kantona Sarajevo, da sufinansira Projekat "Otkup parne lokomotive za potrebe Bistričke stanice", u iznosu od 50.000,00 KM sa Gradom Sarajevo.

II
Za realizaciju ove odluke zadužuje se Turistička zajednica Kantona Sarajevo.

III
Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-40900-4/22
6. oktobra 2022. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 10. stav (3) Zakona o izvršavanju Budžeta Kantona Sarajevo za 2022. godinu ("Službene novine Kantona Sarajevo", broj 5/22) i člana 3. i 4. stav (2) Odluke o kriterijima za raspodjelu sredstava iz Tekuće rezerve Budžeta Kantona Sarajevo ("Službene novine Kantona Sarajevo", broj 15/22), Vlada Kantona Sarajevo, na 96. sjednici održanoj 06.10.2022. godine, donijela je

**ODLUKU
O ODOBRAVANJU SREDSTAVA IZ TEKUĆE REZERVE
BUDŽETA KANTONA SARAJEVO ZA 2022. GODINU ZA
KABINET PREMIJERA KANTONA SARAJEVO**

I
Iz Budžeta Kantona Sarajevo za 2022. godinu ("Službene novine Kantona Sarajevo", broj 5/22), sa ekonomskog koda 600000 - Tekuća rezerva, odobrava se izdvajanje sredstava u iznosu od 200,00 KM na razdjel, 11, glava 01, potrošačka jedinica 0001 - Kabinet premijera na ekonomski kod 614300-NOV - Tekući transferi neprofitnim organizacijama - Udruženje Pass iznos 100 KM i na ekonomski kod 614300-NOV - Tekući transferi neprofitnim organizacijama - Udruženje EDUS-Edukacija za sve iznos 100 KM.

II
Za realizaciju ove odluke zadužuju se Ministarstvo finansija Kantona Sarajevo i Kabinet premijera Kantona Sarajevo, svako u okviru svoje nadležnosti.